

uersas Naturas diuidatur, id nullam aliam per viam fit, quam dumtaxat, veluti dictum est, per varias coctiones, quæ in natura fiunt: Vna siquidem Natura magis cum elementari suo igne, per humiditatem suam, cocta est, quam altera, ex quibus Natura vegetabilis in coctione est minima, eo, quod illius essentia facile comburatur, & liquor etiã facilime, vulgaris ignis beneficio, ab elementari igne separetur.

Natura animalis in coctione priori non longe est dissimilis, cum eiusdem essentia itidem facile comburatur: ideoque natura mineralis in coctione suprema est, quod liquor metallicus magis meliusque per coctionem cum elementari vnitus fiet, quam duæ cæteræ istæ, antea dictæ, naturæ: Quamobrem etiã metalla vulgari igni melius resistunt, quam res cæteræ, quæ sub vegetabili & animali natura comprehensæ sunt: quemadmodum videre est, quod in ignem posita metalla, non istiusmodi flammam quã ligna, edant, eius enim essentia nõ ita cum liquore, quemadmodũ metallica humiditas cum sua essentia, cocta est, & conjunctio liquoris cum essentia non metallica, sed simpliciter vegetabilis, quæ in fumo nigro consumitur, existit. Postquam vero essentia per naturam in coctionem peruenerit, tunc non vegetabilis permansit, sed nunc metallica facta est, & nunc à vulgari igne in albo fumo consumitur, non secus ac, vti vides, imperfecta metalla, quando in igne liquefaciuntur, fumum de se album spargunt. Quemadmodum igitur vegetabilis essentia per naturalem coctionem purificatur, & ex nigro in album aliquem fumum commutatur: Pari etiã modo, & eadem sane de causa, Veteres Sapientes dixerunt:

runt: